



Inatsisartuni ilaasortaq
Doris Jakobsen, Siumut

§ 36, imm. 1 naapertorlugu apeqquut 2010-227-mut akissut

Asasara Doris Jakobsen,

Aallarniutigalugu apeqquutit, aammalu 2013-imi seqernup anitsisinnaanerata inuiaqati-giinnut kalaallinut sunniutigisinnaasaasa annertuut eqqumaffigineqarnissaannik uannut kaammattuinerit pillugu qutsavigaakkit.

Apeqquutinnut tunngatillugu ilisimatitsissutigisinnaavara, seqernup anitsinissaanut iliu-sissanut pilersaarummik soqanngimmat.

Immikkut ittumik pisoqassagaluarpat, assersuutigalugu piffissami sivisuumi innaallagiq qaminngalluni, Kalaallit Nunaanni upalungaarsimanissamut pilersaarut atuutilissaaq. Pilersaarut taanna qanoq ilinerani Upalungaarsimanermut Aqutsisoqarfiup sulilersinne-qarnissaanut, suliniutit ataqatigiissaarneqarnissaannut kiisalu attaveqatigiinnerup qa-noq ingerlanneqarnissaanut paasissutissanik imaqarpoq. Allatut oqaatigalugu upalu-ngarsimanermut pilersaarut immikkut ittumik pisoqartillugu suliassanut malittarisassanik imaqarpoq. Pilersaarut Upalungaarsimanermut Ataatsimiititaliap Allattoqarfiata maajimi iluarsaappaa, ukioq mannaluni juunimi Naalakkersuisunit akuerineqarluni.

Apeqquutit danskit tusagassiuutaasa arlallit, taakkunungalu ilanngullugit Berlingske Ti-dende aamma Ekstra Bladet septembarip naanerani saqqummiuteqattaagaat tunngavi-galugit apeqquateqarsimassasutit ilimagaara. Naliliinerali malillugu tusagassiuutini oqaa-tigineqartutut seqernup anitsisinnaanerata ilimanaateqarnera annikitsuaraavoq, taa-maattumillu Naalakkersuisut maannakkorpiaq iliuusissanut pilersaarummik suliaqarnis-saq aallartinniarlugu isumalluutiniq atuinissaminnik pilersaaruteqanngillat.

Nukissamik imermillu pilersuineq eqqarsaatigalugu aamma ilisimatitsissutigisinnaavara, Nukissiorfiit qamittoornermi ajutoornermilu il.il. upalungaarsimanermut pilersaarummik suliaqarsimammata. Upalungaarsimaffissanik pisoqassappat, sumiiffimmi pineqartumi pilersuinerup aallarteqqinneqarnissaa imaluunniit qimarngussisinnaaneq siunertarlugu pilersaarutit atulersinneqassapput.

Nalunaarasuartaatitigut attaveqatigiinnermut tunngatillugu TELE Greenland A/S upa-lungaarsimanermut pilersaarummik suliaqarsimavoq, taannalu pisuni, ingerlatsinermik nalinginnaasumik kipititsisuni imaluunniit akornusersuisuni suliffeqarfiup iliuusissaanut pingaarnertut pilersaarutaavoq. TELE Greenland A/S-ip upalungaarsimanermut pilersaarutaa 2008-meersuavoq, kisiannili ingerlaavartumik nutarterneqartarluni. Tassalu suliffeqarfiup pissutsit, ingerlatsinermi il.il. teknikkimut sunniuteqarsinnaasut ingerlaavar-tumik nakkutigai, taamaaliornikkut nalaatsinerlunnerusinnaasut sulluunniit annikitsin-

4. november 2010
Sagsnr. 2010-040438
Dok. Nr. 497536

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

niarneqarput, kiisalu pissutsinik pitsaanngitsunik pisoqartillugu suliassat sungiusarsimasunit suliarineqarnissaat qulakkeerniarneqarluni.

Inussiarnersumik inuulluaqqusillunga

Jens B. Frederiksen